

吳文節公遺集

第三冊

吳文節公遺集

卷之十

吳又節公遺集卷四十三

男養原謹編

公牘

批樂平縣詳德興縣解審擬徒盜犯被奪由

查此案前據該縣稟報本部院當以所訊供情支吾扭捏明係得錢賣放至兵役萬德等必係在家未經押犯同行據供因渡船擁擠在岸等候亦屬捏飾批飭嚴審嚴拏嗣據德興縣具稟又經批飭在案今該縣不能拏獲一犯又不肯究出兵役得賄賣放實情仍以捏飾供詞通詳朦混實堪痛恨仰按察司會同鹽法道遵照前批即飭該縣暨德興縣迅速勒拏逃犯劉鳳保等並拉

奪之犯務獲究報一面嚴飭該縣再行嚴審兵役如何
得錢賣放及違例不同行押解各實情據實詳辦儘一
月之後該署縣鄭令再不將此案各犯等獲或不將兵
役實辦必予撤叅慎勿玩視自誤仍飭造冊詳咨通緝
並候督部堂批示繳

批德興縣稟解審擬徒盜犯中徒被奪由

該縣等於一切盜案從不肯切實究辦多方消弭甘蹈
陋習而不知羞恥即如此案該縣辦理本未核實意存
寬縱以故奸匪藐法肆行差役平時得規庇私該縣關
兄不究安得不與奸匪黨同一氣其為放走無疑前據
樂平縣稟報業已批飭嚴審嚴拏在案仰按察司會同

蓋法道期限一月內飭令該縣將逃犯劉鳳保等並拉
奪之犯一併緝獲究辦儻劉鳳保等不能獲案該縣亦
不能勝民社矣仍飭樂平縣遵照前批一體嚴拏并將
押解兵役如何得錢賣放及違例不同行押解之處嚴
訊確供據實詳辦均毋任延切切仍候督部堂批示並
補錄本院前批樂平縣稟批暨此批一併報明督部堂
此繳

札饒州府親督緝匪由

照得本年四月間據浮梁縣等會同審詳東港卡員弁
兵役巡獲私鹽被段得明等持械拒搶一案當經本部
院以該縣等審辦不實消弭開脫嚴飭該府親訊實辦

並督拏各逸犯併究至今未據該府審詳在逃逸犯亦無一名獲報又五月間據樂平縣稟報德興縣盜犯劉鳳保等解府審勘行至該縣上田嘴地方被匪奪逃一案亦經嚴飭勒拏僅據樂平縣稟獲徐張龍一名支吾搪塞其餘逃犯劉鳳保等及奪犯匪徒徐高保等迄無獲報又八月間香屯卡巡丁汪貴被樂平縣梟匪串通婺源人羅梁等擄去挖瞎隻目割斷腳筋打斷左臂棄擲荒山一案飭拏各犯亦無一獲本部院現又訪聞六月二十四日樂平縣段村卡有梟匪聚衆持械撞開卡所廟牆將前數日已獲之私鹽十四車三千餘斤搶回並將廟內衣服一併搶去兵役及住廟之旁人俱受重

傷而樂平縣竟賂賊給賞買和了事似此遇案消弭直使

朝廷法紀蕩焉盡廢不獨有害蓋務其養癰貽患吏治之廢弛亦不堪復問聞之不勝髮指合行札飭為此札仰該府立即親赴樂平縣查明段村卡匪徒如何搶蓋地方官如何買和一一據實稟覆以憑叅辦一面親督兵役即將段村卡滋事各犯及前案攔奪劉鳳保等之徐高保等並擒毆香屯卡巡丁汪貴之一千匪徒按名捕獲押帶回郡由府親究確情據實分別詳辦至浮梁縣東港卡搶蓋一案亦即遵照前批督拏逸犯提同現犯段明得等嚴審辦理本院不別委大員赴饒查辦即

以此札為特委該府如不將各起案犯弋獲究辦自問
能脫然無事否凜之切切仍將奉文查辦緣由先行具
報毋違特札

該府地方梟匪縱橫皆由歷任有司姑息養奸以做案
化案為能徒知漕糧報完地丁勉及分數遂自謂巧宦
自謂可俸無過而地方有此大患全視為無關已事不
知天下惟法立而後人方知恩似此縱惡長奸良民且
不知懲戒而欲望奸民之知感畏乎無此理也若地方
官再不洗心滌慮有案必實辦嚴辦有犯必窮追密緝
將一切消弭朦飾之見掃除更張將來刁風悍習不知
伊于胡底該府責膺方面察吏安民誼無可諉不可不

知勉而知懼也又加示

該縣等如將現在已覺各案辦理不實者迅速獲犯一
一更正從實究辦本院斷不咎其既往若錮習迷心謂
舞文便可欺抵上司該府亦扶同朦飾本院則惟有先
叅而後再查辦耳勿調發之驟而誠之不早也凜之凜
之又加示

批饒州府詳獲犯訊供由

據詳徐高保等除聽從葉添富打差奪犯而外沿河詐
搶之案不一而足可見樂平一帶幾成商旅畏途該前
縣陳令不獨不行拏辦且不詳報闕茸廢弛可恨已極
本部院前札諄諄告誡謂嚴拏此等匪犯正為整頓地

方不僅有益蓋務已也所有此案在逃各犯仰按察司會同鹽法道即責令現署樂平縣鄭令會同營委各員督率兵役上緊嚴密查拏必須按名弋獲不准一名漏網稟報解究一面速飭該府提同現獲各犯再行研審起意聚衆中途打差奪犯並沿河詐搶得贓究明此外有無窩夥搶劫不法別案及另有隨同打奪之人務得各確情據實從重懲辦仍飭鄭令將沿河一帶設法稽查務使河道肅清以安商旅而靖地方並將遵辦緣由稟覆查考切切暨候督部堂批示繳

批饒州府稟獲犯由

據稟已悉似此零星星續獲一二名無閑重輕之從

犯亦費紙費墨數陳稟牘冀以抵飾本院心目而首要
多犯置之不問本院果遂為所愚而不追耶此案遂可
就此將就結局耶仰按察司會同蓋法道轉飭令自思
之此繳

批饒州府稟圍拏梟匪由

查此案迭經本院批檄嚴飭拏犯杳無報獲茲據稟種
種情形查該府前半所稟曉曉以朱卡員不將探信之
巡丁董林交出而董林亦躲避不見等語實屬紕繆之
至該梟匪等均係德興之人彭令既查出黃柏塘犯蹤
何必更向巡丁查詢巡丁並無不是有何躲避之有該
府此等意見即與前稟所稱卡弁冒險貪功等語如一

鼻孔出氣總似卡員不應拏蓋梟匪實不得已而拒捕者然何紕繆糊塗一至此耶後半所稟梟匪等玩法無忌亟應痛加勦捕即移會饒州營參將帶兵二百名會同馳往圍拏云云頗中肯綮而末後所請本院遴委文武大員帶省兵二百名前往協拏云云則該府又有推諉之想矣無論省兵緩不濟急即使省中文武大員帶兵前來本院亦惟責成該府了結此案蓋此案乃該府分內應辦之事也至另稟所稱黃柏塘地方一面靠山三面臨水溪河深闊驟難進兵必須省中發去大礮可及五六百弓者始能示威懾服云云此真兒童之見矣揣該府之意似謂梟匪負隅持險官兵不敢正覷只好

隔河放幾聲大礮恐嚇恐嚇看如此辦法豈能得手可
謂無膽無識之至不知此等梟匪當掃穴擒渠聚而殲
旃縱使人有數千皆烏合耳我兵只須精銳二三百名
擡礮烏槍連環迭進將該梟匪等格斃無算生擒無算
自然一鼓成功又何須攻城之紅衣礮位虛聲吶喝耶
若謂溪河深闊並無舟楫渡橋而往恐該匪等斷我後
路且姑無論古人背水而陣致之死地而生正用兵妙
處即如縮筏囊沙先事有許多布置把守接應臨時有
許多經營雖長江大河猶得徑渡況區區一溪河豈竟
無策可施而徒思隔水放大礮以嚇之耶本院現已檄
飭浮梁營備兵七十名南康營備兵八十名聽候該守

移文調用各該都司即飛速帶兵前往並另札該守遵
照就近相機酌調又札飭省標備兵三百名聽候調用
又札飭候補同知林福祥帶銀一千兩前來幫同該守
勦辦林丞曾經行陣頗有膽勇該府務即與之商酌布
置不可畏蕙掣肘亦不得因係省中委員一切推之於
彼功過可置身事外本院一切仍責成該府也至於此
案與漕務毫無干涉而該匪等膽敢藉端挾制意謂官
欲收漕即勿來拏犯官欲拏犯我即盡眾不准完糧此
尤目無法紀所謂奸民之雄也更當窮追嚴捕以示懲
創縱使德興通縣顆粒不完本院當奏明停徵一年必
將拒捕梟匪抗糧奸民併案同勦一一獲案梟示該府

慎勿顧後瞻前畏首畏尾若夫分別良莠一面多張示諭剴切開導一面進兵勦捕斷不可因此遂意存將就稍示鬆勁致梟徒漏網奸民得志也總之此案本院不憚發兵不惜經費並不嗔責該府縣誤漕務將一千玩法之徒弋獲律懲以彰

國法而挽獷俗為整頓鹽務計實為整頓地方計該府其知之勉之此札

再委署饒州營穆參將於二十二日申刻抵省當即面飭坐原船星夜前赴署任不准片刻遲遲並告知現有此案務即會同胡守帶兵嚴行搜捕矣又知之

批

廬陵萬安縣

會詳盜犯拒傷卡兵由

查魏奕祥等販私被獲拒傷巡兵明係大夥蓋梟時衆逞兇自應從實懲辦以昭炯戒乃現獲蓋犯二名一稱各自販私一稱買食私鹽已屬捏飾而拒捕傷兵又稱止魏奕祥一人不知該兵李廣佑被拒傷痕共有四處如止魏奕祥一人拒捕該兵李廣佑非木偶土人豈有聽其毆至四傷而不一還手之理至安國良原驗左臂肱脈傷已青腫肱脈乃彎曲有讓部位如係墊傷或紅腫皮破血出均有之今驗明青腫非著力痛打不及此據訊因失足跌地在樹枝上墊傷無理混誦豈竟以案牘為兒戲耶當此私梟充斥之際該縣等尸位素餐忘所有事已屬可恥乃不知振刷精神遇事整頓而猶欲

以化案伎倆開脫消弭是誠何心仰按察司會同鹽法
道嚴飭新署萬安縣曹令會同署廬陵縣蔣令再行悉
心研審實在販私拒捕確切真情據實詳辦並飭究明
逸犯切實姓名嚴拏務獲併究如再不實不盡將來提
省審出必將該令等一併指參慎勿泄視切切仍候督
部堂批示繳

批

泉司
鹽道

會詳審明鹽犯拒傷卡兵一案由

查兵丁安國良所受左臂肱肘傷痕既據訊係鹽販拒
傷自應查訊在何處緝私被何人如何拒傷從前何以
審係自行失跌墊傷切實審明據實詳辦今僅於謝興
庭供內點出不知安國良在何處被私犯拒傷一語了